

43
84

牛痘新書

梁溪楊宗瀛

蘇州潘煥明

承剛

澄候

捐贈



光緒乙酉孟夏月刊

牛痘新書

板存新城三清宮集仁堂



北京中医药大学图书馆版权所有

序

善期實濟法貴精良此事理之宜然亦古
今之共論也新城集仁堂者端賴諸同人
合志創自己卯秋間始置義地旋捨藥材
施棺木於無依賙飢寒於無告繼而佈種



各處牛痘荷

周統帥薪如同

周觀察玉山助地捐資得以廣開各局歷
年弗替雖不惜重資延請醫士深慮未能
久遠甲申冬獨鎮局友武向之趙蓮溪邀



通州董茂才秀峯來新與之談論種法精
詳商請著書立說付之剞劂且留以董其
事於各局附近訪有志之士授受斯術庶
善舉可期實濟矣茲書已成洵自抒心得
詞達而理明或不僅為保赤之小補杰鞿



留津邑謬承諸同人不棄使亦襄辦於其
中特援筆以記之冀

同好得悉其原委云

光緒十一年乙酉歲孟夏月且留以穀旦

湘南古羅莘農韓杰識



序

罔之獨善於己不如兼善於人仍善於鄉

不如公善於天下古聖善與人同之念固隨

事而師也特好善之過合非偶然耳昔余

因嬰兒多厄於天痘乃留意於引痘諸篇所

究考驗似於牛痘之傳稍得真旨爰令胞姪



恩編
小兒榮編國編

與世極趙蓮溪至存祺文

學級之仁善堂施種牛痘余友人鄧清望

兩高復設局於天津迄今十有餘年種牛痘

嬰兒各保無恙於焉善與善合遂蒙

聖佑帝君將新城總局集仁堂鹹水沽分局集

賢查命為三堂合一集仁堂痘局刻韓公七年裝



荆公漢臣五之集賢堂痘局則有用利澤陶息
顯曰李清源三人蓋之而韓劉二公尤為衆善

不倦老時謂種痘於人保全固多如傳術於人保

全愈廣特痘書坊刻雖多惟於種痘亦脈考核

不精恐致將事之始害余等乃邀通判甘董秀峰

先生來新細加較證彙撰成書付梓庶可與世

之同好者愈傳愈廣知獨善之學未始不亦
善於天下也爰贊詩以述巔末

光緒十年歲深月上漸圓一居士武乃廣謹序



序

新城

三清宮者萬善同歸之域也善化南於

帝尺善哉開於

大士倡善者群對周合衆力遂起鳩功助善者

諸亭總謁真悅共捐鶴俸總歎休哉何其

盛欣聞禘老葦裝典對公浮匡周公吉臣

之初館新城也即殷以刊若為念慈喜



依是主誰是允從乃善心克感於

帝心

孚佑臨壇而講道善性兼通於

佛性

菩提降筆而傳經於馬宮起

三清壇開三教建楊後渡惠及世來舍藥施糧

恩周疾苦冬則放糶而窮民優恤春則種
痘而赤子咸安山在敬邑已心慕焉久矣



時恨主綏而一觀其盛焉
至光緒甲申
韓劉二公欲廣牛痘之傳
因我武虞延
伯與蓮溪趙如兄邀山編次痘書
山雖不勝其任然賓天假之緣
俾我獲登於善域也
遂同向之武在兄同到新城得覘

至宇之魏莪復接同壇之驗濟其間如子壽

李公拙齋周公道春蔣公雲峰宗公與葉樹森弟梯城諸公者皆各有博學洵非後

學所能及者也。山涇痘書於斯，益恐學淺
才疏，未必理明而詞達，不惟在光於汗簡，
友友貽笑於方家，然亦有不敢辭其責者。
山之至於斯也，雖蒙諸大人桓頌草茅，實
因我

菩提不遺葑菲，諸壇請

訓，所責我以撰述之功，越宿

錫名，復刊我於版，依之未若稍不竭力。

神將不佑我矣於是與向一見操牛痘之源流
補諸家之遺漏先經立傳設或問而辨疑
解疑原始要終本家傳而刪繁就簡正
妄為傳述哉抑仰答

帝是

菩提之責備勉助耕斜之公之善舉焉耳

省

光緒十年歲次甲申十一月下泮



通州浚學士秀峰氏董玉山謹序

於海下新城集仁堂公廨



南京中醫藥大學圖書館版權所有
1964

序

庚午余隨家大人設局施種牛痘於茲十有



集遠近之鄉睹嬰孩之衆雖孩兒強弱不同痘毒淺

深各異然視小兒之當種與不當種並痘前痘後諸

雜症朝夕尋玩得以洞悉其旨故一試種間卒未見

一失者是豈有異聞乎抑所歷者多所傳者真耳洎

乎歲至壬午 家大人復設數局施種恐僅於世弟

趙蓮溪與余家兄弟姪輩不敷局用且恐余專務於

此荒廢舉業因本己之心得者著有引痘臆解存於

家塾以資便覽以成後學適余有世弟董秀峰者世

紹岐黃彼家亦精此業因房薦未售過訪余家見痘

書而善之並述其先人新甫公亦著牛痘新編頗與

此義相符遂欲合為一卷於後學更有裨益也適遇

新城 三清宮集仁堂總理痘局

華農韓漢臣劉

公與諸

位大人憫小兒天花之厄久已青靜大滄四縣設局

施種及甲申春又於山海關一帶設局邀余等董司

其事不數月而獲種者不下數千皆安然無恙故

韓二公稱為盡善盡美欲將痘書付梓以廣其傳永



垂久遠余不敏未敢自專歸而請於家大人家大

人曰吾等所著之書僅以示爾後人者也何堪以聞

世然諸位大人既懷保赤之心亦不得存吝惜之

意如果付梓汝與董秀峰同往新城再加細參詳為


繪圖指示使閱者易知易行愈傳愈廣俾各處小兒

永無痘關之患庶不負諸位大人保赤之仁心躋

小兒於仁壽矣工竣謹記其顛末於右

會川武

綸向之氏謹序



凡例

一牛痘諸書皆祇論牛痘之由來於牛痘通本
痘之理尚未詳明是編首原天痘所由發次
牛痘所由傳庶本原見而人無惑

一是書不僅為引種者設即不知引種者亦可照
法傳引蓋經絡明方藥備又無難明之說自利
利人不無小補

一 是書首設或問十八條牛痘真傳盡在其中閱



者不可因繁絮而忽之

一是編方藥皆歷試歷驗者集方篇末隨時酌用
特分兩不可拘於一定

一是集所繪之圖皆不能工惟於經絡手法諸圖
皆絲毫無錯閱者須細觀摩

一是書專集要法不論文義惟將
庭訓及耳聞

目睹者集之願高明君子勿以辭俗語陋鄙之

則幸甚矣



牛痘新書

湖南長沙湘陰萃農韓杰
安徽太平繁昌漢臣劉瀛全閱

直隸天津靜海向之武榮綸全編
順天通州秀峯董玉山

總目

序

原痘論

或問十八篇

凡例

種痘源流

總啟



總斷

視耳筋辨毒氣淺深

驗痧疹將出

三關圖說

手少陽三焦經說

三焦經穴分圖

刀針朱盒等圖說

刺漿法

驗三關以便施種

驗麻痘將出

三關圖

手少陽三焦經圖

手寸圖說

三焦經穴分圖說

擇漿須知

取漿須知



種痘期

執刀式

刺穴點漿

附方

萬應五神丸

解肌洗藥方

保嬰丸

固本安神丸

真假辨

招穴法

種痘須知

玉肌膏

通關散

內托滿漿揮毒散

托毒滿漿散

千金緩痘湯



生地汁

痘後諸方

銀繭散

三豆散

又方

又方

參芪湯

又方

解毒散

連翹解毒飲

生肌散

散毒散

髮松膏

五行散



白菜散風湯

人中白散

絕出小痘方

附小痘痧疹癩丹各方

荆防敗毒散

解肌湯

四苓湯

升麻葛根湯

導赤湯

化癩丹方

木通解毒湯

抱龍丸

附保赤集要



病源論

三關紋形主病歌

經脈辨色歌

環珠長珠形歌

反弓形歌

針形歌

論虛實二症歌

五言歌

三關部位歌

分表裡歌

流珠形歌

來去蛇形歌

鎗形歌

附魚刺水字

診脈歌

八條

五色受病歌



附方

保和錠

木苓丸

涼膈散

小柴胡湯

升麻連翹湯

消積散

導痰湯

一枝梅

通聖散

大柴胡湯

六和湯

香砂養胃湯

消痞膏

五聖湯



椒朮散

健脾丸

薑半飲

五柳水

消滯散

木香丸

蘇合香

小兒疳積散

香薷散

一升散

蘇合散

大蘇散

六神散

香薷散

香薷散



北京中醫藥大學圖書館版權所

原痘論

痘之為症其名不一。曰聖瘡。曰百歲瘡。又曰天瘡。總名曰痘。以其形似豆也。蓋似豆則順。不似則逆。斯痘之名定矣。痘書統謂痘為父母精血之毒。而不知原於母血者多也。地氣重濁。故含虛克大。既作濃汁。又復結痂。陰之道也。其毒之發也。始於腎。由腎而傳肝。傳脾。傳心。傳肺。有一經毒發不盡。即不克收功。故腎毒不淨。則留於骨。肝毒不淨。則留於筋。脾毒不淨。則



留於肉。心毒不淨。則留於血。肺毒不淨。則留於皮毛。此天痘之毒不易盡。而多天傷也。惟引以牛痘之漿。自皮毛肌肉。直達筋骨。命門毒熱。不煩以藥引導。而毒可盡出。是以能明天痘之本原者。方能悟牛痘之妙用。抑惟知痘毒之不易盡者。愈信牛漿之惟有功也。

種痘源流

考上世無種痘諸經。自唐開元間。江南趙氏始傳鼻

苗種痘之法。至我

朝。宇光王先生。復著種痘金鍼。遜玉張公。又纂種痘新書。要皆以天行好痘花痂。塞兒鼻孔。隨氣入肺。逆傳至腎。遍及五臟。包絡三焦。寄傳也。三日之後。其毒始隨氣入血。自內湧出。故發泄之始。先犯心肝。所以先發燒。後見點。煎熬陰血枯槁。雖避風寒。節飲食。而毒重者。鮮不厄焉。此鼻苗所以等於天痘也。然自唐宋以來。並無他法。可保萬全。至乾隆年間。泰西天痘



盛行。死者甚衆。有畜牛取乳之家。兒童獨無傷損。醫人喆喆往問之。則曰。牧豎等見牛奶盤旁。有小藍泡。手染其漿。相戲對面。交抹在外臂邊。爪甲抓破油皮。遂出如痘。後亦永不復出。天花久則習以為常。喆喆異之。驗其痘盤。正在三焦之經。因悟牛漿能解痘毒。並悟種痘於三焦經。更引痘之捷徑也。因挾此術遊於中土。粵省常氏先得其傳。然秘不示人。以圖厚利。惟我邱君浩川先生。得此術以公同好。達於各省。香

山曾君復設局於京師。迄今亦百有餘年。凡所種之
嬰孩。未聞有以痘夭者。噫。此豈人力所能為哉。
豎無知。竟洩浩蒼之秘。咕嗔何意。特傳保赤之
方。其
殆因我

仁皇帝聖德所感。天亦以不愛道。地亦以不愛寶者發。
兩間未發之奇。共登赤子於壽域耳。

或問篇

或問痘乃小兒之大病也。當天行傳染。人人尚思避

之。今無故取牛漿而種之。豈非與兒以病乎。曰非也。正因其為大病。故引而盡之耳。如捕盜然。趁其羽翼未成就而擒之易矣。如去莠然。乘其滋蔓未延艾而除之易矣。况小兒胎毒斷無不發之理。及至出痘舉家旦夕守視。多少酸辛。其重者固至艱危。即輕者亦必多方調護。今牛痘則只種四顆。或六顆。小兒嬉笑飲食一切如常。兩旬為期。成功可告。不特小兒免於疾苦。即育子者亦省却憂勞。此引痘盡美盡善之術。

也。豈可謂與兒以病乎。

第二篇

或問牛痘之傳久矣。而諸家註述。雖解辨詳明。仍引痘之所以無害者。未之及焉。其理可得聞乎。曰。此理即在目前。人特習而不察耳。如說卦。謂坤為牛。夫坤土位也。牛即土畜也。得坤順之體以生。其血即能解人之痘毒。理固然也。又按牛之一身。乳為土部。牛痘生於乳旁。是陰之至純。土之至潤者也。以其漿施



於人身。毒氣自不橫溢。於以取穴於臂。以肘之上為
土位也。點漿於清泠淵數穴。以三焦為相火。能生土
也。按穴挑破油皮。漿隨血入。則土與土合。直達三焦
及腎。正如佳苗得時雨。其機自不可遏焉。故從腎中
引出命門先天之毒。至痘成漿滿。天行癘氣不雜一
絲。厥後以人傳人。所以無害。然取漿之始。必須水牛。
蓋以後天卦象。坤位西南。水牛獨得地氣之和。若塞
北牛漿。斷不可用。慎之慎之。

第三篇

或問引痘諸書。皆曰引種必刺兩臂。取其肉厚。若論肉厚。則兩腿之肉。較厚於臂。何不尋足少陽經穴種於兩腿。而獨種兩臂乎。曰。臂土部也。痘之所聚也。故曰必刺兩臂。其曰取其肉厚者。非謂人之週身。惟兩臂肉厚。蓋以手少陽三焦之經。從關冲至耳門。共二十三穴。穴之所歷。惟肘上兩臂之中。較肉厚耳。子母以辭害意。則明矣。

第四篇

或問引漿種痘之理。既蒙剖悉矣。吾竊於三焦之經。則猶有惑焉。曰三焦者。人身三元之氣。如天地之有三光也。一本起於命門。內經曰。七節之旁。中有小心。黃膜裹之。如北辰之極。坎中之一陽也。萬殊散及於毛竅。原氣之別使也。一名膻中。一名包絡。又曰相火。以其根於命門。又能君出用事也。白膜護心。前齊鳩尾。是為上焦。黃膜裹腎。周視神闕。正在臍心。是為中

焦。下絡膀胱。承受瀾門。泌別清濁。是為下焦。所謂兩
隔一元而三歧也。內外分肉。遍屬膜原。凡兩經夾縫
皆三焦。青筋脂皮為之界限焉。真元之用。神運化不
可以方物。引導陰陽。開通閉塞。精血之道路。榮衛之
宗主。又奇正經絡上下三十五道之關鍵也。凡人之
胎毒。素伏於三焦。蓋以夫婦交合。乃翕撮全身精血。
併於三焦。疫毒隨之流入。至腎命輸洩。而妙合之際。
一氣渾元。故人生之始。先有命門。毒即伏焉。既生已



後。毒隨感而潛移。然內停則重。外引則輕。今以牛痘解毒之漿。乘天痘未動之先。種於半表半裏。通內達外之三焦。三焦通。斯五臟六腑。榮衛經絡。左右上下。無不交會相通焉。殆所謂拔茅連茹。永無後患矣。

第五篇

或問種痘之術。如先生所言。則取穴其最要也。嘗見種痘者。往往以自己三指。按小兒兩臂。定為三穴。遂為取穴之準可乎。曰。未可也。兒有大小。穴非平列。况

少外則近手少陰心經。稍內則入手少陰心包絡。所謂差毫釐而謬千里者也。故取穴必以小兒中指中節通身寸為主。認定三焦經絡。從肘上量二寸。即清冷淵穴。復從肩骨外間。下量四寸。即消爍穴。兩穴之在三焦。如江之有湖。河之有曲也。種痘故以此二穴為定規。若小兒已滿二周。胎毒過重。必須於消爍穴前臙上一寸臙膾穴種之。以導其毒。若三四歲者。又須於消爍清冷淵之間。各種一顆。以分其毒。是為加



痘。至七歲以上者。又須於兩臂之中。黑白肉際之間。取俠白穴種之。以解其後天肺經之毒。即此而論。無論臑膾與俠白穴。內外有別。即清泠淵消燦二穴。相去六寸。且少斜焉。豈可竟以己三指盡處。為定規乎。雖神而明之。存乎其人。然切不可草草其事。以誤人之子弟也。

第六篇

或問種牛痘亦有多出者乎。曰。無有。種一顆只出一

穎斷無多出之理。其或多出者。皆種之不精。非因刀尖誤傷他處。而出誤痘。即因刀尖宿漿未洗。漿染鋼氣力易橫行。於穴之近處。而出飛痘。惟此二者。吾嘗聞之。吾猶未之見也。

第七篇

或問種痘既無多出之理。亦有不出者乎。亦有出之不全者乎。曰。有小兒胎毒太盛者。根深蒂固。一時難於引拔。故有種至三四次始出者。又有一臂止出一

顆。或獨出一顆。或左臂全出。右臂不出。右臂全出。左
臂不出。雖種種有別。而總以男左女右為定例。以清
冷淵消爍二穴為定苗。如男兒在左臂二穴。或出一
顆。右臂一顆不出。即無庸補種。若右臂二顆全出。左
臂只出一顆。定須補種。設左臂二顆全出。右臂只出
一顆。則無庸補種。若右臂全出。左臂一顆不出。定須
補種。若種三顆者。左臂加痘獨出。正穴不出。亦仍宜
補種。種男如是。女則反是。以此為定例。則無誤矣。

第八篇

或問小兒種痘。有補種至數次。而仍不出者乎。曰。此不過萬中之一耳。吾鄉有某甲子。種至六次。未出。驗其胎毒。實係深踞固閉。吾前輩曾尋外關穴。種一粒。以開其經絡。後種正穴。始出如常。又有一兒。驗其胎毒甚輕。種至二次。所出者皆如假痘。並無漿汁。吾等亦疑之。前輩曰。此兒胎毒既淺。必於月內已出天花。父母不覺。故種至兩次。雖出皆如假焉。及驗其周身。



肘尖與腿腕。果有一二點小盤。愈信吾前非平之言不
誤也。故種痘者必視耳筋。以決毒之深淺。若實係毒
深塞閉。即可種外關穴。以開經絡。再種正穴。自無不
出矣。持此法斷不可以妄施。蓋以外關之穴。皮薄近
骨。小兒又易抓破。設成痘瘡。恐難生肌結痂。反貽小
兒之痛苦矣。種痘者酌用之。

第九篇

或問種痘諸家。見小兒有瘡疥等症者。既不與種何

也。曰：父母愛子之心，人所同有，而種痘者亦豈有厚此薄彼之分。誠以小兒現有症瘕，若引種牛痘，必食發腥，恐與症有妨，不食發腥，又與痘不便，故於此等必甄別之，以俟痊愈，再為種之，則兩無害耳。

第十篇

或問：天行之痘，必由五臟一經而發，牛痘亦有略帶一經之情形者乎？曰：有。如夜睡畧驚，搖煩燥者，心經毒盛也；畧多眼淚者，肝經毒盛也；畧作乾渴，畧作吐

瀉者脾經毒盛也。若肺經毒盛必畧咳嗽。腎經毒盛睡夢必畧齟牙。然有諸症必在引種四五日以後。放漿則可痊矣。此所謂引之則輕。毒不橫而痘自順也。

第十一篇

或問小兒種痘嘗見有牛痘不出。而出天痘者。有天痘與牛痘並出者。又有牛痘似出。而天痘亦出。牛痘不貫漿者。此何故也。曰天痘挾疫而動。則能橫拒牛

痘牛痘先疫而入。亦能權制天痘。若疫感在先。內毒已發。雖未見點。而相火作燒。牛漿不得入經絡焉。故天痘獨出者有之。若內毒將發。尚未作燒。牛漿得入經絡。牛痘出。而天痘並出者亦有之。若云牛痘似出。而天痘亦出。牛痘獨不貫漿者。此兒必胎毒過重。又感疫甚深。牛痘之漿始入於肌膚。天痘已傳於脾肺。一湧而出。故牛漿之力止於肌膚。自起而自靨焉。漿固無由貫也。若此者。皆由疫感在先。種者不察。然果

係並出。則天痘雖逆。可保無虞。牛痘亦有功。即不能
並出。則牛痘雖回。但治天痘。牛痘亦無過。特恐不明
此理。誤以天痘為牛痘所引。惑亂人心。則牛痘之保
全。由此而少矣。吾故曰乘天痘未動之先而種之。此
語自有深意也。種痘者其審慎於臨時也可。

第十二篇

或問種痘之後。或間月。或間年。又有復出如天痘者。
此何痘也。曰名為小痘。亦猶天痘後復出水痘是也。

其故皆由於取穴不正。忌口不清。放漿不竭。以致痘毒未得盡發。而出小痘焉。其形之似天痘也。初起二日亦發熱。三四日周身亦發紅點。及五六日亦仍灌水漿。間有幾粒畧大者。仍與天痘灌漿相似。到六七日既結痂矣。惟所結之痂。其薄如紙。不甚堅厚。此所以名為小痘也。不藥可愈。切不可誤為天痘。用內托催漿等劑。則小兒即危矣。

第十三篇

或問牛痘有未盡之餘毒。始發為小痘。若小痘出則毒既竭矣。而小痘之外。又出痧疹水痘癩丹者。此何故也。曰若論諸症。則非牛痘所能引。亦猶天痘後不能保諸症之不出也。苟有出焉。萬不能指鹿為馬。誤為牛痘後之天花。妄用痘科方藥。致小兒於死地。請先即疹言之。疹出於腑腑屬陽。為傳送之所。其毒與天花較之。則淺甚矣。故疹之消長。不過周日。非若痘之為限。始終必二旬也。若水痘。則由脾胃二經溼熱

所發。初起雖似痘。然尖圓而大。內含清水。易脹易靨。厥不灌漿。非若痘之必灌漿而結痂也。至痲丹乃血之餘。發為痲者。有色點而無顆粒。發為丹者。赤如雲片。隱於皮膚。要皆浮游之火無大妨也。惟痧子由外感而成。癘氣從鼻竅而客於胃腑。發於皮膚。小小顆粒。觸手如沙。輕者不藥可痊。重者亦按法而愈。然於牛痘後得之者。亦萬中之一二耳。蓋以內毒清。斯元氣固。外邪自無由入矣。今特詳辨之。欲使人知牛痘



牛痘新書
後或有諸雜症。而非牛痘後之天花也。人果不以吾言為謬。則赤子幸甚矣。

第十四篇

或問邱氏痘書云。自點漿至落痂。皆可勿藥而奏功。果確論乎。曰此定論也。然精愈求精。密益求密。則調護之方。亦不可不有。蓋小兒體氣有厚薄之分。胎毒又有淺深之別。若體氣壯。胎毒淺。痘漿自能滿灌。而可無虞。若體氣弱。而胎毒深。亦須用起發透漿等劑。

方可應手而奏效。今特集家傳牛痘前後諸方備載於後。以為種痘者之一助。庶不至臨症而束手無策矣。

第十五篇

或問治天行痘者必辨形色。牛痘亦辨形色否。曰不惟辨形色也。且即形色而辨真假焉。凡痘頂平圓。珍珠光亮。根脚緊實。紅線纏圍者。真痘也。頂尖不平。根斜而薄。黃膿外現。白水内含者。假痘也。此其大畧也。



若神而明之。吾嘗於痘科要言得一二語焉。寧教有
色而無形。休教有形而無色。彼論天痘如是也。而驗
牛痘者亦當以此意參之。何則。兒有強弱。毒有淺深。
氣強而毒深。形色固可以兼有。氣弱而毒淺。形色自
不能兩全。惟不以成見察其形。而以會通觀其色。則
驗痘之真假。庶乎其不差矣。

第十六篇

或問放漿取漿。與小兒有妨礙否。曰不惟無妨。且有

益馬。蓋痘漿者。痘之毒也。放之始出。取之始竭。况真
痘之漿。不能隨放而即出。必俟片刻。始出如珠。取而
用之。則隨取而隨出矣。且盡取其已灌之漿。凡有餘
毒未淨者。倒灌時。自必全然發出而聚於痂。斯痂落
疤深。方為牛痘收功之驗。故施種牛痘者。不第與小
兒種之。而即畢乃事也。設漿滿不放。痘必屬塌。毒仍
內蓄。痂亦不堅厚。破而致成痘瘡者有之。設放而不
取。漿有內含。餘毒欲出。無地可容。發而為小痘者有

之。此吾前輩設局數處。施種多年。所歷已不下千萬人。而終無或異者也。願種痘者信之勿疑。甚勿因一時之愛憐。遺小兒後日之疾苦。則牛痘之功。庶不至虧於一篑矣。

第十七篇

或問牛漿引痘。既盡善矣。何為於飲食諸物。有宜食。宜忌者乎。曰牛痘。與天痘。非有二也。引之以牛漿。即為牛痘。發之於天行。即為天痘。嘗見小兒之出天痘。

也。無論其乳母飲食一切禁忌。即舉家且將烹炸煎
烙火氣。而盡免焉。種牛痘雖不必如此之精細。若全
然無忌。則痘出亦必不佳。故於飲食之有妨者。亦謹
忌之。又因小兒艱於服藥。復擇飲食之中。於牛痘稍
有補助者。令其食之。以代起發催漿等劑。非為牛痘
之獨創新奇。以驚俗動眾也。亦先賢之幾經閱歷。體
驗入微。補舊增新。惟恐其不盡善者耳。

或曰先生為我辨難解疑已揭牛痘之大要矣。余心亦少有得焉。惟於小兒之症形未識何由豫辨。天痘之將發未諳何以先知。復思認經絡必有心傳。取痘穴不無妙法。以及刺種放漿等事。豈少良規。調劑保護之方。自多精選。願先生並傳之。曰。此道雖小。非心之精細者。斷不與聞。非品之端方者。亦不輕授。蓋品不端。必嗜利而忘義。恐有害於牛痘之傳。心不細。必少得而自封。恐有誤於人之子弟。今子獨能提綱挈

要。逐次求詳。吾亦幸種痘者多一傳人。敢不盡所有
以授乎。雖然。吾豈能賢。凡與子溯本窮源者。皆本我
等前輩口授心傳。畧述其一二者也。子既有意於此
道。吾先君與武虞廷世伯。有共著牛痘經驗新
編一卷。刪繁就簡。閱者可易曉而易能。惟不因其易
而忽之。則牛痘之傳。庶歷久而無弊矣。



牛痘經驗新編

通州董柏齡新甫氏
靜海武乃賡虞廷氏
手著

總啟

痘毒發於命門。此先天之毒。固有之孽也。不能保之於先天。不可不保之於後天。今牛痘之傳。實保嬰兒萬全之術。特習之不精。即難盡善。是編於種痘之法。程與經絡之圖說。皆明如指掌。學者宜逐次求詳。胸

男
董玉山秀峯氏
武榮綸向之氏
編次

胞侄
武恩綸紫綬氏
趙汝舟蓮溪氏
李克津培元氏
全校



中豁然。方可與人引種。若於經絡手法。少有不明。率爾操刀。則保赤之念。雖殷。而保赤之功。莫盡。人縱不咎。心何以安。又有嗜利之徒。稍得此傳。即與人引種。至牛漿既絕。竟敢以天花之漿。或以天花之落痂。研汁與人引痘。種後必周身遍出天痘。由此而厄者。十居八九。故為父母者。欲與兒女種痘。非在施種牛痘局中。萬不可令人妄種。以致自誤。

嘗見種痘者。多不明三關之紋。不識兩耳之筋。不察時行痘疹之欲出未出。而一概施種。以致雜症混入。歸咎於牛痘之不善。衆惑而羣疑。實堪嘆惜。今略集諸視法於左。措成七字為句。以便記誦。如遇小兒有症癘者。先為調理。再與引種。庶幾不壞牛痘之名。而功效可必十全矣。

驗三關以便施種歌

風關紋達症猶浮。種痘收功症亦瘳。紋現氣關非淺

病。宜將形色細推求。按方調治無妨礙。病愈纔堪痘
種牛。若是命關青色透。此兒半載定難留。

視耳筋辨毒淺深歌

毒淺如何可豫知。耳筋顏色淡紅稀。赤筋一道直冲
上。痘出心經須藥醫。紫黑白青胎毒重。痘漿勿憚再
三施。紋如麻亂無他故。定是胎毒深踞之。

驗痲痘將出歌

入手先摩十指尖。耳輪鼻準可同參。若逢一樣如冰

冷麻痘將生不待占。

驗痧疹將出歌

痧疹將出以何徵。咳嗽相兼內熱生。再看眼光多外射。不因啼泣淚盈盈。

以上各條於引種時詳加體察。再觀其外無瘡。疥癩癩瘋疾胎癰諸症者。便可刺引。京局中原有官醫士。逢期到局。凡來種小兒。先令驗過。然後種痘。殊多周折費事。故集入之。願同好者皆



討論詳明兼而善之之為便也。

○虎口又手震風關位在寅氣關

針把以絲統之
赤金

尋卯位長

手三關



土命關臨

四指皆須

辨非惟食

圖

指驗病淺刺金鍼七日除災難。




如遇小兒有痞氣乳積等症未透氣關者即可用赤
金毫針刺其紅紫紋針起必出如清漿無血令其思
生冷七日若刺過兩次無不效者此百發百中之技
也願種者並善之以免小兒用藥之苦然刺積針必
須赤金為之刺積時亦須晴日以避針傷倒發之患

平少新三身聖圖



牛...新書

手少陽三焦經圖



Vertical text on the left side of the page, likely bleed-through from the reverse side of the document. The characters are faint and difficult to read, but appear to be a continuous column of text.



手少陽三焦經穴。共二十有三。左右共四十有六。種
痘者欲學取穴。必先明經絡。經絡不明。無以為取穴
之準。蓋人身經絡。並行交互者甚多。少不精細。不免
有取此得彼之誤。即如少陽經脈。裏側則近於厥陰
外側則近於少陰。雖過肘已上。地步少寬。而相去猶
不過三五分焉。况以小兒極活之肉。隨手轉移。而猶
欲辨認於分寸之間。誠非易事。然果身體之而心會
之。以己之手指。按己之經脈。察其由何而過腕骨。由




何而過肘。傍自肘而上。何處稍直。何處稍斜。上達肩
端。仍在何處。手摩心會。細堪入微。斯了然於心。自
然於目。了然於己。自了然於人。至施種之時。隨其目
之所注。手之所指。自不至踰乎經脈焉。故認經辨脈
之術。受於人者下也。體於己者上也。尋之於外。猶疏
得之於心。乃確也。

按認經之法。只可言及於此。若深求之。反晦而
不明矣。有心者。自悟會可耳。

昔余因不明三焦之脈絡。請示於先人。先人謂
明之於己。自能明之於人。余揣思數日弗得。又
示以按經絡摩尋之法。謂從無名指外側。摩
上尋。無論至肘至臂至肩。凡按之。而名指獨覺
麻木者。即三焦之經也。余如法求之。始了然於
心目。此余以下愚之資。得之於迹象者也。姑附
於此。以備參考。



增補通身寸圖



銅人圖云。手寸在手中指中節。須曲而取之。兩角紋
頭定為一寸。男取左。女取右。或用稻心。或用紙帶量
之。切不可誤認為指背拍面之橫紋。致或短或長。未
能合度。則取穴庶免有上下之差矣。

三焦經穴分圖



清冷淵去肘二寸
 消燥去肩端四寸在臂外間
 臈會去肩端三寸在臂前臑

外關在腕骨傍兩骨間
 與內關相對

俠白在黑白肉際之間去肩六寸




取穴之法不一。有盤肘取法。有伸肘舉臂取法。又有端坐取法。三者雖大同小異。而巧拙則殊。按端坐取穴。必以絲繫小兒無名指。尖外側上繞肘及肩端。以絲之所在為經絡之所在。按寸取穴。無論小兒不能安穩。聽其繫絲。即使絲得繫跬。而清冷淵與消爍兩穴。上下稍斜。則得此失彼之誤。在所不免。惟伸肘盤肘二法。可並用而無弊。小兒之肉甚軟也。盤其肘則肉實。可無內外之移。小兒之膚最活也。伸其肘則膚



順可無上下之錯。若盤其肘而量之。點以香朱。伸其肘而度之。較以紙帶。即少有或內或外或上或下。臨種時畧一更變。則正穴無不得矣。故取穴較易於認經絡。能認經絡。取穴斯如反掌耳。且始而量之。度之。至精熟之候。每種一兒。先曲其中指。看其寸之長短。即不用稻心紙帶量取。而目注手指。亦可以不錯毫釐。特未精熟者。總以遵法量之為是。蓋由勉強而始可進於從容也。

按消爍清冷淵二穴。為三焦之經。最要之處。種
之於正穴固佳。若遇正穴之中。舊有傷痕未愈。
或有黑疵青跡者。則可於穴之上下種之。特不
稍內而稍外。則無大過矣。

針 璃 玻



鋒刀式

寬刀劍



香朱盒式



劍鋒刀式

赤金煅煉

式 簪 牙 象 漿 放 式 簪 點 造



樣 朱



點朱簪

點朱簪以象牙為之。長二寸許。兩頭皆圓。量准穴時。用簪潤香朱。於穴之上下點之。以便爽目。此特為初學計耳。若精熟者。可以不用。

香朱盒

香朱盒。或磁。或玉。皆可。切勿用錫鐵銅等器。

香朱

香朱作法。用硃砂五錢。熟麝三分。麻油五錢。紅綿一



角。共打如印色。

寬鋼刀

寬鋼刀以純鋼為之。其形如劍。令工匠造成樣子。再磨到極薄極利。刀鋒宜尖。約長寸餘。寬二分。外用玳瑁殼。或明角作匣。兩面夾起。藏護最善。

赤金刀

此刀以赤金久鍊。照式造成。亦磨至極利。較鋼刀更妙。以刺引時可不傷裏膜也。然金刀與鋼刀皆以煮

刀藥水煮去刀毒。可免痛爛諸患。種後之刀宜再磨去宿漿。不留刀上。以便再種時。不出飛痘。此皆親試。歷驗之法。毋輕忽之。

煮刀藥水

川黃連錢三 川大黃錢四 黃芩錢三 當歸錢四 紅花錢二 銀花錢六

真熊膽分三 甘草錢三

玻璃鍼

玻璃針。洋人所製。其細如針。長四寸。注漿最妙。又易

遠方挾帶。至灌漿之法。先將針吹通。次以牙針刺破
痘靨。俟其漿出如珠。再以己之拇指食指持針。將指
托其鍼頭。按漿珠上。稍為轉移。漿自入於鍼內。鍼滿
即。以火燃黃蠟。杜其兩頭。不走漿氣。臨用時折去兩
端。吹漿於刀尖。一鍼可種數人。且鍼漿亦可留七八
日不乾。故較水晶盒傳漿簪等物。而更簡便矣。

刺漿簪

刺漿簪。以象牙為之。長二寸許。頭薄根圓而尖利。以

種痘之功。在於慎始。非獨辨症宜慎也。即取漿亦宜慎。蓋以此兒之漿。移彼兒身。少有不善。傳以痘。即傳之以疾也。勿謂已出之痘。皆係無疾小兒。遂不加察。設其父母有楊梅瘡疥等症。小兒出痘之日。正易傳染其毒。若用此漿傳人。必無不染。其過毒熱痘者。雖於牛痘無傷。而於小兒甚為不便。故放漿之日。必擇至善之苗用之。餘者放而不用可也。

刺漿法

刺漿之法。皆云先剔其中央一點。焦硬小靨。次將四圍輕輕剔破。不知中央一點硬靨。乃種痘之刀傷較四圍必微凹。今剔而去之。放漿之後。必凸如螺尖。衣袖撮磨。必致傷其痘痂。痂傷則毒水浸淫。即不免於潰爛。故刺漿斷不可動其中央小靨。惟於盤傍用象牙簪刺破。或一處。或二處。亦不可以多刺。以漿竭為度而已。

取漿須知

取漿之時。須防傷其痘內膜肉。更宜防誤傷其痘外皮膚。若傷於痘外。必於傷處出痘。與正穴之痘根脚相連。不但正穴之痘落痂少遲。且增其痛癢。傷於痘內。必肉潰成膿。痘痂反因毒膿掀起。潰爛更甚。雖無甚大防。而疼痛呼啼。為父母者。已不堪忍。種痘者。得不任其咎乎。故種痘之益最大。非慎始慎終。亦不保無害耳。吾願種痘家。視人子如己子。則慈愛出於至誠。自無所不慎。自無不盡美盡善矣。

如小兒六歲四



種痘期

種痘之期。皆云夏八冬十春秋九。浩川又云。不論四時。總以八九日為率。予按引痘之理。亦取七日來復之機耳。故必七日始見灌漿。八九日漿始滿足。無論春夏秋冬。東西南北。各省。可必其皆同。蓋以同此人。即同此理。若漿之或老或嫩。則又因地有異。因時有差。種痘定期。貴有權變。或七日八日九日皆可。抑視漿之老嫩為何如耳。然宜使其少嫩。漿雖清淡而便



傳人。勿使其過老。漿以膿濁而放不出矣。


牛痘真假辨

凡痘頂平而不尖。根腳收束緊實。色如珍珠寶光中
央一點焦硬。痘腳有紅線圍繞。痘腳外有紅暈。其屬
堅厚。邊翹捲如香菰樣。疤內有小疤幾點。如此者乃
真牛痘也。若無水無漿。亦無紅線圍繞。或有灌水而
不上漿。或灌漿如黃白濁膿者。其痘頂尖突而不平。
沾濕皴裂。根腳斜散而不收束。色白淡暗。結靨黃薄。

及邊薄中厚者。此假痘也。假則必須再種。恐遇天行復出。必於此等辨清。種痘之小兒。方可保無誤也。



執 刀 式



執刀式

執刀用拇食二指緊緊捻定。以將指托刀尖。外露如
韭葉。無名指及小指直舒。以便種痘時。防小兒臂動
上迎。致刀深入出血。不惟不能出痘。且恐刀傷發作
成瘡。反與兒以疾矣。執刺漿針亦然。故種痘者不可
以不慎。

掐穴法

取準正穴。不可用刀即刺。必先以指甲掐之。然後刺



種。一以避其人神。一以使天部氣血無損。

刺穴點漿法

左手托定兒臂。將兒臂肉皮微微拴緊。右手執刀。不宜直豎。用刀尖輕輕平刺皮膚。如一紙之薄。刺處畧寬半分。以血欲出未出為度。左手勿鬆。鬆則恐其血回。宜急用刀取漿。輾轉拭。使漿與血融和。手鬆血入。漿氣亦隨血而入。故種痘片刻。四圍必有紅暈。此漿入之驗也。若精熟之候。又可用刀帶漿。隨刺隨點。

更為爽便。若初學者。必遵法刺種。斷不可手重。恐深刺入肉。血反充漿。痘即不能出矣。

如法種畢。其兩臂微血。勿被衣衫拭去。如拭去。可將痘漿補點原處。俟漿血既乾。徐將衣袖垂下。不可用網包裹束。反令血氣不行。貼身之衣。宜用軟絲紬為之。若衣服粗硬者。恐致擦損。自刺之後。一二日並不發熱。所刺處當如蚊蟻咬然。至第三四日。始露形影。發出痘尖。頂脫血跡。第五六日起。如小泡。週圍灌水。



第六七日。水足灌漿。微微覺癢。第八九日。灌漿滿足。兩腋底微疼。畧似結核。頭額掌心。俱見微熱。此週身毒由此出。毒發則火動。正要其元陽運化也。其痘貫漿滿足。有如菜豆大。如白豆者。即宜放其漿。至九日十日。脚外紅暈隨散。微熱必退。漿轉黃蠟色。先從痘心焦硬處變蒼而結靨。半月之後。靨落有疤。其靨光澤堅厚。捲邊如小香菰樣。細看疤內。更有幾點小疤。居其中。此痘情形齊備。可以告成功矣。

種痘須知

按種痘宜食宜忌等物。各省之土產有別。難以盡知。世人之貧富不同。又難概論。今即其不易之理言之。俾有會心者。可隨地擇宜。逐類旁通。另具宜食宜忌單方。曉諭種痘諸人。庶不致挂一而漏萬。

一種痘後二三日內。宜食發腥等物。以起發其痘。使之易出。

一種痘四五日內。宜食助漿等物。以催其漿。使漿

易於滿灌。

一種痘六七日內。即止食發腥等物。以落痂為度。誤食必至作癢。甚者漿滿漲破成膿。

一放漿後。宜食清淡。解毒諸湯。免成痘瘡。

一種後至落痂。忌食生冷。苦辣。甜酸。鹹之甚者。

一種後至落痂。忌食太熱。太寒。野菜。及油膩等物。

附考直省宜食。宜忌等物。備載於後。

二三日內宜食。金針。磨菰。冬筍。絲瓜。冬瓜等菜。



三四日內宜食豬蹄燕窩海參火肉蓮子薏苡粥等類。

四五日內宜食羊乳汁鮮河蝦河鯽魚等物。惟鮮河蝦一物貧富皆便將皮剝盡搗碎小兒又易食之兩個已足催漿多食恐漿滿痘破。

自種痘至落痂宜忌食雄雞鯉魚牛肉豆子豆腐魚鱗魚黑魚各色海魚海螵雞蛋葱蒜韭菜薑椒醋醬等類。以上宜忌六十日。

自種痘至貫漿數日之內。宜忌熱炕。燒酒氣。與鴉

片煙氣。恐耗散漿氣。痘即不出。

自種痘至放漿。宜忌甘蔗。荸薺。冰水。一切涼物。

恐小兒瀉痢。以上宜忌百日。

自種痘至放漿後。宜忌葡萄。核桃。怕痘連珠留

蒂。且忌房中臭穢之氣。男婦亦當按天花潔

靜。貧者尤宜忌楊柳芽。豔花根。水筋菜。竹葉

草。長壽菜。白花菜。喬麥麪等類。以上宜忌百日。



以上各条。凡宜食宜忌者。如係食乳小兒。乳
母同之。萬不可忽。惟羊棗。柿子。柿餅。櫻桃。皆
不可不謹忌此數物。
宜切忌三年。

按種牛痘。小兒果係強壯。忌口復清。原可勿藥而奏功。今附載湯劑丸藥末藥等方。非欲故難其事。實欲出是痘者。顆顆珠圓玉潤。人人氣足神完。豈不快哉。

萬應五神丸 專治牛痘前後百症咸宜方

赤茯苓 一兩 元參 二兩 桔梗 一兩 黃連 一兩

龍膽草 一兩 青黛 一兩 牙硝 一兩 甘草 五錢

人參 二錢 冰片 五分 硃砂 三錢 大赤金 二十張為衣

右藥為末。鍊蜜為丸。如芡實大。每服一九。薄

荷燈心湯下。

通關散

原麝香 三分 綠升麻 六分 炙甲片 七分 白殭蠶 三錢
洗去灰炒

西赤芍 二錢 淨蟬退 二錢 結子紅花 一錢

右共為極細末。無聲為度。以磁器收貯。慎勿

泄氣。每服一分。白開水送下。

解肌洗藥方

專治小兒蛇皮。不易出痘者。以此洗數次。痘即易出。

川羌活 三錢 青防風 六錢 荆芥 六錢 紫蘇 五錢



蟬衣錢五 麻黃錢三 桂枝錢三 當歸兩二

紅花錢八 川芎錢三 紫草錢三 蘇木兩二

內托滿漿揮毒散 專治痘漿不滿痘色不明者

生黃芪三錢 土炒 當歸錢二 查肉錢二 炒 人參錢一

防風錢一 酒白芍錢一 白芷尖錢一 厚朴分七

川芎錢一 木香分五 老山桂分六 炙草分六

右藥共為細末。每服五分。薑湯調服。

保嬰丸 同前



燕去毛為末窩一兩百五錢合六錢川三錢法三錢夏三錢

廣皮三錢玄三錢參炒二錢生二錢薏仁五錢微焙

右研為末。用北棗肉三兩。搗碎入藥為丸。如

桐子大。每服三丸。竹葉湯下。

托毒滿漿散同前

生甘草一錢炒銀花三錢連翹心二錢枳殼一錢炒

酒白芍二錢上黃芪焙四錢糯炒米半升廣陳皮三錢炒

右各為末。冰糖水調服。每服一二錢。成童者



量體加之。至四錢為限。

固本安神丸

此藥專保小兒真元。使外邪不得乘虛而入。種痘將屬之時服之最宜。

潞党參 二兩

綿黃芪 三兩

鹿角膠 二兩

燉化和諸藥為丸

冬朮 二兩五

土炒

炙草 八錢

白芍 五錢

酒炒

當歸 一兩五

酒炒

川芎 一兩五

熟地 三兩

炒

山藥 四錢

炒

茯神 二兩

炒

麥冬 五錢

去心

天冬 一兩

炒

扁豆 一兩五

炒

百合 一兩

炒

陳皮 四錢

炒

山查 二兩

炒

麥芽 二兩

炒

穀芽 二兩

炒

神麴 二兩

炒

黃芩 三錢

炒

黃連 三錢

炒

骨皮 一兩

炒



牛黃

三分 別研

鬱金

三錢

半夏

五錢 法製

棗仁

二兩 炒

防風

八錢 炒

甘菊

一兩 炒

澤瀉

一兩 五炒

木通

二錢

飛辰砂

三分

右藥三十二味。如法泡炒為末。膠水泛為丸。

如圓眼核大。每服一丸。若小兒過小。半丸已。

可用白開水送下。或用乳汁瀉藥服之更妙。

千金緩痘湯

當天痘傳染之時。恐小兒亦出天痘。宜急服此方。一服可保一月。若天痘已傳染者。則不可服。

金銀花

一錢

紅花

五分

桃仁

一錢



生地一錢 歸身一錢 荆芥穗一錢

赤芍一錢 甘草五分

右藥水煎服。春加金銀花。夏加荆芥穗。秋加紅花。冬加歸身。各按其分量加一倍。

生地汁 一酒盅

治小兒胎毒過重。痘出鼻血不止。不能食乳者。服之即愈。

解毒散 南山楂 二兩 炒 蟬退 一兩 去頭足



共為末。量小兒大小。用米湯調服。或五分。分皆可。但視小兒強壯者宜服。弱者不必服。

牛痘後諸方

銀繭散 專治痘後。得招成瘡。

用銀繭繭。入白礬末。煨灰。加朱蘭茶末。用蒜油調敷之。即愈。

三豆散 專治痘盤。紅腫不消。

綠豆 赤小豆 黑小豆 為末。醋調敷留頂。



內服連翹解毒飲 臨症減用。

當歸 一錢

牛旁 一錢

連翹 一錢五

芥穗 一錢

柴胡 五分

梔仁 五分

白芷 五分

木通 一錢

黃芩 一錢

蟬退 一錢

赤芍 一錢

滑石 五分

防風 一錢

甘草 一錢

車前子 五分

又方

用武彞茶煎濃汁飲之。

結痂生肌散 治痘成膿不乾方。



黃柏 二兩

黃連 二兩

大黃 一兩

甘草 三兩

枯礬 一兩

麝香

地骨皮 三兩

五倍子 二兩

共為極細末摻之。

又方

菜豆 一兩

朱茶 五錢

雄黃 三分

冰片 二分

共為細末敷之。

又方

用黃豆皮燒灰研末擦之。



散毒散

治痘爛流血不止

取多年益牆爛草。或稻草。洗淨泥垢。晒乾為末。此久經風霜雨露之滋。而感天地陰陽之氣。善解瘡毒收溼也。

參芪湯

治小兒氣血過弱。痘痂至廿餘日不落者。

人參

黃芪

歸身

蟬退

炙草

糯米

分兩酌用

髮松膏

專治痘後流毒於皮膚。而生黃水瘡者。

頭髮 二兩

松香 二兩

官粉 一兩

人指甲 三寸

用麻油四兩。將頭髮指甲炸化。再用微火將

松香官粉焚成膏。敷患處。

又方

蛤粉 一錢

石糕 一錢

黃柏 二錢

共為細末。夏用涼水調搽。冬用油調。

五行散

石菖蒲 一兩

紫荊花 三兩

獨活 三兩

赤芍 一兩



白芷一兩

共為細末。用老酒煮葱湯調敷。

白菜散風湯

小兒出痘之後。元氣未復。或因有汗。外受風邪。或因冒寒。毛孔錮閉。則易生緊皮風症。其甚者。至皮膚破裂成紋。宜急以白菜加黃酒糟煮湯。洗浴。日久即愈。否則必至痛死。百藥莫效。然此症得之於牛痘後者。亦萬中之一耳。



人中白散

治痘後牙疳口疳諸症

兒茶

一錢

黃柏

一錢

薄荷

一錢

冰片

五厘

青黛

八分

人中白

二錢
煨

共為極細末。先用青布占茶汁拭之。將藥末吹疳上。使涎流出即愈。萬不可令其咽涎。

絕出小痘方

種痘後百日内。不食豆子所做諸物。每當小兒睡時。灼蒼朮香一炷。即不出小痘矣。



南京中醫藥大學圖書館藏

附小痘痧疹丹癍各方

荆防敗毒散 治小痘痧疹丹癍。臨症加減。

荆芥 防風 各一錢 柴胡 前胡 各八分 羌活 獨活 各四分

赤苓 川芎 各一錢 枳殼 桔梗 各八分 甘草 薄荷 各四分

生薑 一片 小痘減苓芎。疹加白芍。痧減枳殼桔梗。

解肌湯 痧子初起。邪尚在肺。宜服此方。

連翹 三錢 牛蒡 二錢 銀花 二錢 蟬衣 八分 去頭足

象貝 三錢 南沙參 二錢



熱盛加生地黃苓鮮石斛 各五分

咳盛加枇杷葉 一錢

氣逆加前胡 五分 蘇子 五分

神昏唇語加犀角 研 鬱金 各三分

若大小便秘者宜先服四苓湯

豬苓 一錢 赤苓 一錢 白朮 一錢 澤泄炭 一錢

若內熱過盛者宜服升麻葛根湯

升麻 一錢 葛根 一錢 甘草 七分 白芍 一錢



口渴加花粉麥冬

身熱加黃芩骨皮

便秘加酒軍竹葉

導赤湯治小痘初起。

木通八分 生地錢 竹葉一錢 燈心一子

赤苓七分 草稍五分

化丹癰方

石糕 知母 連翹 牛蒡



元參

淡竹葉

糯米

分兩按兒大小酌用。

解毒湯同前

木通一錢

防風五分

芥穗五分

銀花一錢

歸尾八分

白芍五分

牛蒡四分

甘草五分

水二盅酒一小盅同煎。

附小兒稀痘奇方

橄欖核一枚。未經入口者。鍊成炭。退火氣。研極



細末。於小兒初生時。用乳汁和末。作三四次抹
兒口中。使兒自啖。以盡為度。此法最妙。

又附種痘小兒。或因火熱過盛。衣被過煖。致生內風。

諸症者。宜服

金衣抱龍丸 附方

天竺黃 一兩

雄黃 三錢

琥珀 三錢

麝香 二錢

膽南星 二兩

檀香 二錢

沉香 一錢

木香 一錢

飛辰砂 五錢

大赤金 二十張



共為細末。甘草膏為丸。如皂角子大。燈心薄
荷湯下。每服一丸。若小兒味滿二週者。半丸
亦可。



附保赤集要

病源論

兒有大小之不同。病有深淺之不一。形聲色脈之殊。望聞問切之間。若能詳究於斯。可謂神聖工巧矣。蓋望者鑑形辨其色也。假如面部左腮屬肝。右腮屬肺。額屬心。鼻屬脾。頰屬腎。肝病面青。肺病面白。心病面赤。脾病面黃。腎病面黑。是乃望而知之也。聞者聽聲知其症也。假如肝病聲急。肺病聲緩。心病聲雄。脾病

聲慢。腎病聲沉。屬於臟。大腸病聲長。小腸病聲短。胃
病聲速。膽病聲清。膀胱病聲微。屬於腑。是乃聞而知
之也。問者。問究其病源也。好食酸。肝病。好食辛。肺病。
好食苦心。心病。好食甘。脾病。好食鹹。腎病。好食熱。內寒。
好食涼。內熱。是乃問而知之也。切者。切脈察病也。三
週以下兒有病。男左女右。看三關。寅是風。關。卯是氣。
辰是命。關。醫難治。虎口有筋。往上接。看之。須要分五
色。紅黃安樂。五臟和。青紫定其受風。嚇。是乃切而知。

之也。此其大畧也。

風氣命三關部位歌

初起風關症未殃。氣關紋現急須防。乍臨命位誠危。急射甲通關病勢彰。

三關紋形主病歌

腹痛紋入掌中心。彎內風寒次第侵。紋向外彎痰食熱。水形脾肺兩傷陰。

探病訣



小兒初覺病時。紋出虎口。或在初關。多是紅色。傳至中關。色赤而紫。若傳過三關。紫青色者。病勢深重。其色青黑。與青而紋亂者。病勢益重。如見純黑。危惡不治。凡在初關易治。過中關難治。直透三關無治。古人所謂初到風關病猶可。傳入氣命定難醫。

三關紋浮沉分表裡歌

指紋何故乍然浮。邪在皮膚未足愁。腠裡不通名表症。急當疏解汗之投。紋現兩關漸漸沉。已知入裡病

方深。莫將風藥輕相試。須向陽明症裡尋。


經脈辨色歌

小兒須看三關脈。風氣命中審端的。青紅紫黑及黃紋。屈曲開了似針直。


三關通青四足驚。水驚赤色誰能明。人驚黑色紫瀉痢。色黃定是被雷驚。

或青紅紋只一線。娘食傷脾驚熱見。左右三條風肺痰。此是傷寒咳嗽變。

火紅主瀉黑相兼痢疾之色亦如然若是亂紋多轉變沉疴難起促天年。

流珠形  只一點紅色宜消食補脾胃。

赤似流珠主膈熱三焦不和心煩結吐瀉腸鳴宜利下六和湯中真口訣。

環珠長珠形  環珠較流珠大一半長珠一頭大一頭尖。

環珠長珠兩樣形脾胃虛弱心脹膨積滯不化肚腹痛消食化氣藥堪行。



來蛇去蛇形

來蛇下頭粗
去蛇上頭粗

來蛇去蛇形又別。冷積臟寒神困極。必須養胃倍香。

砂。加減之時見藥力。

反弓形

() 反外彎向大指逆
反裡彎向中指順

弓反裡形向外形。感寒邪熱少精神。小便赤色夾驚風。痼症相似在人明。

鎗形魚刺水字形

鎗形

魚刺形

水水字形主痰熱

主傷風

鎗形魚刺水字紋。風痰發搐熱如焚。先進升麻連殼。



散次服柴胡大小分。

針形——針形主瀉痢。

針形穿關射指甲。一樣熱驚非勦呷。防風通聖涼膈。同次第調之休亂雜。

診脈歌

小兒有病須診脈。一指三關定其息。浮洪風盛數多。驚虛冷沉遲實有積。

小兒一歲至三歲。呼吸須將八至看。九至不安十至

困。短長大小有邪干。

小兒脈緊是風癇。沉脈須知氣化難。腹痛緊弦半實。
秘。沉而數者骨中寒。

小兒脈大多風熱。沉重原因乳食結。弦長多是膽肝。
風緊數驚風四指掣。

浮洪胃口是火燒。沉緊腹中痛不竭。虛濡有風更兼。
驚脈亂多痢大便血。

前大後小童脈順。前小後大必氣咽。四至洪來若煩。



滿。沉細腹中痛切切。小數大虛。四至無來。皆
滑。主露濕冷所傷。弦長客忤。分明說。五至夜沉。浮大
晝六至夜細。浮晝別。藥則中虛。不數虛。虛木風夏
息數中和八九至。或多或少。辨病缺。虛實寒熱。治得

宜。不負仙人留妙訣。

論虛實二症歌

面光白色。冀多清。腹虛脹大。嘔吐并。眼珠青色。微沉
細。此為冷痰熱藥行。



兩腮紅赤便堅秘。小尿黃色赤不利。上氣喘急脈息多。當行涼藥方可治。

辨小兒五色受病症

面色青者痛也。色紅者熱也。色黃者脾氣弱也。色白者寒也。色黑者腎氣敗也。哭者病在肝。汗者主心。笑者主脾。而多痰啼者主肺有風。睡者主腎有虧缺。

五言歌

痢疾眉頭皺。驚風兩頰蒼。渴來唇帶赤。吐瀉面浮黃。



熱甚眼朦朧。青色是驚風。白色多泄瀉。傷寒色紫紅。
按小兒之症。胎毒為大。驚風次之。再次則停食傷寒。
等症耳。小兒科書。皆各有成方。無庸備載。今姑將諸
論症之要解。與歷驗諸方附後。抑為種痘者兼明之。
而保全愈大耳。

附方

保和錠 專治小兒急慢驚風

辰砂 一錢五

水飛

人參 一錢

白朮 一錢

去油

赤石脂 一錢五

醋煨

茯神 一錢

茯苓 一錢

山藥 一錢五

乳香 一錢五

礞石 一錢

殭蠶 五分

牛黃 五分

五靈脂 五分

麝香 五分

共為細末。大米漿為丸。每丸重

一錢。大赤金為衣。薄荷湯下。

一枝梅同前



巴豆 一錢
麻仁 二錢
五靈脂 一錢
雄黃 三分

生麝 二分
硃砂 三分
油胭脂 五錢

五月五日。共為末。以油胭脂做成十餅。每餅可治一兒。用時將小兒印堂拭淨。貼之即愈。用過之藥。必送至水中。不用者。宜納入磁瓶。勿令走氣。

米苓丸 能分理陰陽。退潮熱。止吐瀉。調脾胃。乃小兒常服之藥。

蒼朮 五錢
粉草 一錢
澤瀉 四錢
厚樸 五錢



豬苓一錢
白朮五錢
茯苓三錢
官桂二錢

草果仁三錢

共為細末。水作丸如粟米大。每服五丸。嘔吐

薑湯下。調脾胃炒米下。泄瀉車前炒米湯下。

浮腫燈心五加皮湯下。餘病白水。

通聖散 以後上方用法在前。

防風五錢
當歸一兩
川芎三錢
白芍三錢

大黃三錢
黃芩二錢
芒硝一錢
麻黃一錢



連翹 三錢
滑石 三錢
桔梗 三錢
芥穗 三錢

梔仁 三錢
白朮 三錢
甘草 三錢

共為細末。薄荷湯下。每服一錢。

涼膈散

連翹 五錢
大黃 四錢
梔仁 三錢
黃芩 三錢

甘草 二錢
桔梗 二錢
骨皮 二錢

共為末。薄荷竹葉湯下。加蜜少許。每服一錢。

大柴胡湯



柴胡

黃芩

白芍

枳壳

大黃

分量酌用。

小柴胡湯

柴胡

黨參

黃芩

法夏

當歸

生地

炙草

加薑棗分兩酌用。

六和湯

升麻 三錢

連翹 二錢

當歸 二錢

熟地 三錢



白芍 一錢
川芎 一錢

水煎服。

升麻連翹湯

升麻 一錢
連翹 一錢
羌活 一錢
銀花 一錢

防風 一錢
葛根 一錢
芥穗 一錢
赤芍 一錢

甘草 一錢
水煎服。小兒減半。

香砂養胃湯

香附 八分
砂仁 七分
藿香 六分
厚樸 七分

蒼朮 七分
水煎服。按兒之大小加之。



消積散 治食積等症。

黑丑 二錢

檳榔 三錢 炒

木香 一錢

共為細末。赤沙糖水沖服。每服一錢。

消痞膏 治一切食積血積。

金色蜜陀僧 六兩

阿魏 五兩

羌活 一兩

水紅花子 一兩

川甲 一兩 麝香 一錢

用香油熬膏。火候照常。

導痰湯 治癩症痰壅。



南星五分 法夏一錢 陳皮一錢 茯苓一錢

瓜蒌仁二錢 枳實一錢 桔梗一錢 山查一錢

黃芩八分 甘草一錢 水煎服。

五聖湯 治泄瀉。

蒼朮一錢 山查一錢 厚樸八分 陳皮一錢

車前子八分 水煎服。

椒朮散 治水瀉不止。食穀不化。

川椒一兩 蒼朮一兩 肉桂五錢



共為末。干醋為丸。如桐子大。每服一九。

薑半飲

生薑

五錢

法夏

五錢

陳皮

三錢

水煎服

健脾丸

茯苓

一錢

山藥

二錢

白朮

一錢

陳皮

二錢
土炒

蓮肉

八錢
去心

扁豆

八錢

澤瀉

三錢

神曲

六錢

山查肉

一兩
炒

共為末。煉蜜為丸。如福元核大。每服一九。白



水送下。

止痢飲

赤痢

沙粉 七錢

紅糖 三錢

白痢

沙粉 三錢

紅糖 七錢

涼水冲服。

治牙疳方

用紅娘根炒干。研為末。擦牙上。先以小米飯湯
漱淨。然後抹之即愈。

